

մի 'ի քարրնիկէց մեքենայիցն սպան զնա : Ամբարձաւ Գա-
 յիոս 'ի գահ կայսերութեան Հռովմայեցւոց , զանձն սո-
 սուածացոյց , եւ առաքեաց զպատկեր իւր յերուսաղէմ
 զնեւ 'ի Տաճարին (40) : Իսկ Հրէայք , որ սաստիկ ատելու-
 թեամբ էին ընդ Հռովմայեցիս , և ամբարտաւանելով իմն
 պարծէին յազգն և 'ի Տաճարն իւրեանց , յանձն առին առ-
 հասարակ մեռանիլ , քան տեսանել զանարգանս օրինաց :
 Խիստ էր ըմոստութիւն Հրէից ընդդէմ հրամանի կայսեր ,
 այլ կանխահաս մահ նորին գերծոյց զնոսա 'ի մօտալուս
 վտանգէ : Եկաց թագաւոր Կղոզիոս , շնորհեաց Ագրիպայ
 զթագաւորութիւնն Հրէաստանի , զոր հայրենեօք ունէր :
 Հասք տէրութեանն յորդեաց առաւել քան զկարծիս իւր ,
 և այնչափ մեծածախ հիմնարկեաց զպարիսպն Երուսաղէմի ,
 զոր եթէ աւարտեալ էր , ընդունայն լինէր պաշարումն
 Հռովմայեցւոց եւ մարտնչիլ ընդդէմ Երուսաղէմի , այլ
 նախ քան զկատարումն գործոյն մեռաւ 'ի Կեսարիա Պա-
 ղեստինացւոց :

Ապա եկին իրրեւ գաւառապետք մի զկնի միոյ Փեստոս ,
 Աղէքսանդրոս և Կամանոս : Սա գումարեաց զգօրս 'ի կա-
 մարակապն Տաճարին սակա բառնալոյ զխուովութիւնն
 'ի մէջ պահապան զօրաց և ժողովրդոց . այլ 'ի խուճապել
 և 'ի տաքնապել Հրէից 'ի զինուորաց սուսերամերկ դի-
 մելոց , կոխեցան 'ի միմեանց 'ի մուտս դրան 'ի խոան
 անդ , եւ սատակեցան արք իբրեւ 10,000 , և տօնք նոցա
 դարձան 'ի սուգ տրամութեան :

Յետ սորա առաքեցաւ Փելիքս , որ առաքեաց զԵղիա-
 զար աւազակապետն կապանօք 'ի Հռոմ և զընկերս նորա
 'ի խաչ հան . ցրուեաց զխումբս աւազակաց , որք կոչէին
 Սէկարեանս : Հալածական արար և զայրն Եգիպտացի , որ
 մարդարէ զինքն անուանէր , եւ զհետեւողս նորա իբրեւ
 արք 3 բիւրք : Եւ յետ սոցայարեան այլ գունդք աւազա-
 կաց , որք սպանութեամբ և աւարտութեամբ սպառնային
 հնազանդելոցն Հռովմայեցւոց (55) : Ապա առաքեցաւ 'ի
 Ներոնէ կայսերէ Փեստոս , որ խաղաղացոյց զերկիրն : Յետ
 Ալիքսանդոսի յաջորդեաց Գեստիոս Փլորոս , այր ժանս և ըն-
 չաքաղց , որ անցոյց զանցոյց գառաճնովքն ժլատութեամբ
 և անգթութեամբ , պաշտպան էր աւազակաց՝ առնուլ ըզ-